

Tupat puuini tamani 1. juni 2015-imiit mianersoqqussutinik assitalersuisoqartalernissaa suliareqqullugu Naalakkersuisut peqquneqarnissaannik Inatsisartut aaliangiiffigisassaattut siunnersuut.

(Inatsisartunut ilaasortaq Kristian Jeremiassen, Siumut)

Akissuteqaat

(Peqqissutsimut Attaveqarnermullu Naalakkersuisoq)

Aappassaaneerinninneq

Suliniutit innuttaasut akornanni pujortartartut ikilisinnissaannut tapersiinnaasut pillugit soqutiginninneq politikikkullu isumaqatigiinneq pillugit Naalakkersuisut sinnerlugit aallaqqaasiullugu qujassaanga.

Siunnersuummi siunertaq Naalakkersuisut taperserpaat, aammalu tupani assit oqaasertallu atorlugit ataatsimoortillugu mianersoqqussutit atuutilersinneqarnissaannut piareersaalluni sulineq aallartereerlugu. Naalakkersuisut qularutiginnigilaat taamatut suliniuteqarnermi cigaretit puuini tamani mianersoqqusisoqarnissaannik siunnersuuteqartup kissaateqarnera malinneqartoq.

Tamanna tunngavigalugu siunnersuutip itigartinneqarnissaa Naalakkersuisut inassuteqaatigaat.

Inatsisartuni amerlanerussuteqartut Naalakkersuisut siullermeerinninnermi inassuteqaataat akuersaarpaat.